



Inatsisartuni ilaasortaq Sofie Geisler, Inuit Ataqatigiit
/Maani

**Illuliornermut malittarisassat pillugit § 37 naapertorlugu apeqquteqaammut
2019-361-imut akissut**

03-01-2020
Suliaq nr.: 2019 - 27016
Id nr. 48626359

Inatsisartut suleriaasianni § 37 naapertorlugu illuliornermut malittarisassat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. Sanaartornermut maleruagassat atuuttut naapertorlugit kollegiani, efterskoleni skolehjemini ikuallattoqalersillugu putsumut kalerrisaarutininik pinngitsoorani peqarnissaa inatsisitigut piunasaqaataangilaq.

Aallarniutigalugu erseqqissaatigissavara, taanna taamaallaat kollegianut, annerpaamik qulinut siniffissalinnut, kiisalu atuarfiup illutaannut, 150-init ikinnerusunik atuartulinnut atuummat. Kollegiat qulit sinnerlugit siniffissallit Illuliornermut Malittarisassani 2006-imeersuni (BR06) kapitali 6.10-mut ilaatinneqarput, tassanilu allassimavoq taakku kalerrisaaruserneqartussaasut. Atuarfiit illutaat BR06-imi kapitali 6.13-imut ilaatinneqarput, tassanilu immikkoortortani ilinniartitsiviusuni, 150-it sinnerlugit atuartulinni kalerrisaarusiisoqartussaasoq allassimavoq. Tamatuma saniatigut illut ikuallattoornissamut illersorneqarnissaannik siunertaqarfiusunik allanik piunasaqaateqartoqarpoq, soorunami isiginiarneqartussaasunik.

a. Kollegiani, efterskoleni skolehjemini putsumut kalerisaarutininik peqarnissaannik inatsisitigut piunasaqaataalernissaa Naalakkersuisut pilersaarutigilersaarpaat?

Akissut: Tusagassiorfinnut nalunaarut 'Sisimiuni ilinniartut angerlarsimaffianni ikuallattumi putsumut kalerrisaaruteqanngitsoq', 12. december 2019-imeersoq, www.naalakkersuisut.gl-imi nassaarineqarsinnaasoq innersuussutigineqarpoq. Tassunga tunngatillugu ilisimatitsissutigisinnaavara, efterskolit skolehjemmillu BR20-mi atuutilersussami piunasaqaatinut sukannernerulersinneqartussanut ilaasussaammata.

b. Taamaassimappat; Kollegiani, efterskoleni skolehjemini putsumik kalerrisaaruteqarnissaannik inatsisitsigut piunasaqaataalernissaa qaqugu pissasoq Naalakkersuisut pilersaarutigaat?

Akissut: Apeqqut nr. 1. a.-mut akissut takuuk.

2. Naalackersuisut piumasaqaatigaat kollegiani ikkussuunneqassasut putsumik kalerrisaarutit.

- Piumasaqaat tamanna aamma efterskolenut aamma skolehjeminut atuuppa?

Akissut: Apeqqut nr. 1. a.-mut akissut takuuk.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik ilisimatitsivoq:

“Aallarniutigalugu erseqqissaatigineqassaaq, taakku pillugit inatsisit malillugit efterskolit sullissiviummata imminnut pigisut, tak. efterskolit pillugit Inatsisartut inatsisaat nr. 13, 5. december 2008-meersoq, Inatsisartut inatsisaatigut nr. 17, 3. december 2012-imeersukkut allannguuteqartinneqartoq. Taamaattumik efterskolit Namminersorlutik Oqartussat ilitsersuisussaataaaffiisa avataanniipput, tamannalu peqqutigalugu efterskolit putsumut kalerrisaarusersorneqarnissaannik piumasaqaateqarnissamut Naalackersuisut inatsisitigut tunngavissamik erseqqissumik peqanngillat. Inatsisigut tunngavissaq taamaattoq efterskolinut inatsimmut ilaanngilaq. Taamaattumik inatsisitigut tunngavissamik taamaattumik, illuni pissutsit akimorlugit maleruagassiuffiusinnaasumik ilanngussisoqassappat iluaqutaasussaavoq. Tamannattaq elevhjemminut atuuppoq, atorneqarnerminni kommuninut immikkoortutut ingerlanertik peqqutigalugu Namminersorlutik Oqartussani allaffissornikkut inissisimanerup nalinginnaasup avataaniikkamik. Tamanna peqqutigalugu aamma elevhjemmini putsumut kalerrisaarusersuinissamik piumasaqaateqartoqassappat, ersarissumik inatsisitigut tunngavissaqarnissaq pisariaqartussaavoq”.

3. Putsumik kalerrisaarutit kollegiani ikkussuunneqarnissaat Naalackersuisut piumasaraat, naak tamanna inatsisitigut suli atuutilersinneqanngikkaluartoq.

- Inatsisitigut suli inissinneqannginnerata nalaani kollegiani ikuallattoqalissagaluarpat putsumik kalerrisaarutit battereeruttoorsimappata imaluunniit batteriaa inummik peerneqarsimappat taamalu kalerrisaarutaasinnaajunnaarluni, taava inatsisitigut akisussaatinneqartussaaq aamma / imaluunniit akisussaasunnngortinneqartussaaq kinaassava?

Akissut: Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik ilisimatitsivoq:

“Putsumut kalerrisaarusersuinissap inatsisitigut pisussaaffiliisoqannginnera apeqqutaatinnagu eqqarsaatigineqarpoq, kollegiat illutaasa sananeqarneratigut ilusilersorneqarneratigullu ikuallattoornissamut naammaginartumik toqqissisimanissap, tassungalu ilanngullugu inunnik annaassiniarnissamut isumannaatsunik periarfissaqarnissap nakkutigineqarnissaa Namminersorlutik Oqartussat pingaarnertut akisussaaffigigaat. Tamatumunnga aamma illuni ikuallattoornissamut teknikkikkut atortulersuutit aammalu illup sannaasa ilaasa ingerlaavartumik misissorneqartarnissaannut aserfallatsaalineqarnissaannullu tamarmiusumut pisussaaffeqarneq ilaatinneqarpoq. Tamannali inuit ikuallattoornermut kalerrisaarutit batteriiviniik paaasimasut iliuseqartutut immikkut akisussaatinneqarnissaannut akornutaassanngilaq”.

4. Paasissutissanik allanik sammisamut tunngasunik Naalakkersuisut peqarpat?

Akissut: Naagga.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Karl Frederik Danielsen